



Le Tasten mët a dūra proa La Val, che crëi y segnëia al'ultim menüt por porté a ciasa en punt d'or.

Ince la squadra da La Val, sot la direziun dl'alenadù da l'ann denant Gerhard Hilber, á scomencé súa nōia aventūra te 2 categoria. En nū campionat de nivel plö alt cun nūs avversars ciamó da scurí ti aspeta ai ladins. La squadra á bel podü ciarcé le nivel te Copa Provinzia cuntra le Plaus (3-1, 0-0), daulache i avversars á albü la miú passan le rode. La Val fej bela parüda te súa prūma partida cuntra le Tasten, avversar sterch che mët a dūra proa i ladins. Por ester bugn de avalué le resultat mëss chisc se trá ite les manies y crëi cina l'ultim mumënt.

Atira é i padruns de ciasa che mët sot a presciun i ghesc. Al 10[^] menüt é Sepl che tēgn sō n palé rebatü de ce sōn trata dal ciantun. Püch do, sōn na medema crossada, pro le nū dl Tasten ciamó n iade de cé, le palé ti fej le pulan al pé de porta. Al 20[^] la miú ocasiun por La Val: sōn trata dal ciantun é le defensur P. Vallazza che controlëia le palé cun le pé y fej pié ia na trata a bót sigü sō tla stangia de porta. Le vantaje dl Tasten röia spo al 35[^], sōn na passaja filtranta dēr tl dübe te forajüch vëgn Sepl fora de porta y contrastëia l'atacant, l'arbiter ne sighita nia y mostra sōn le punt di önescmetri, trata trasformada spo dal avversar Appenbichler. Dan le pröm tēmp prō ciamó le atacant avversar na trata a giré che rabat cuntra le pé dla porta ladina.

Le pröm tēmp se stlüt jō sōn le le 1-0 por le Tasten.

Ince sce l'orenté de avalié atira le resultat ne mancia nia, se stënta i ladins a costruí le jüch tl secundo tēmp. I sogadus dl Tasten se alza y se fej prigorusc sön plö aziuns. Al 65[^] se fej lerch le nū cuntra porta mo püch dan la trata vëgn chësc antizipé cun n gran recuper da Marco Sottara. Püch do ti sciampa ciamó le medemo al defensur ladin, impede jí cuntra porta prol na trata plötosc debla dal limit cuntra le portier Sepl. Tl'ultima cherd'ora se fej udëi ladins che crëi ciamó tl gol, cun la formaziun che se alza y lascia trëi defensurs a defënn, mo purmó ala fin dl recuper vëgn le palé crossé amez por Franz che se presentëia sú dan [l'un](#) dl Tasten y cun na trata de prezijiun fejl balé la rëi de porta. Püch do sciüra l'arbiter la fin dla partida. Na bela sodesfaziun por n punt arjunt cun le laur de dūta la squadra, che à tigní bót ai avversars y à cherdü al gol cina le sciür dla fin!

Tasten/Welsberg – La Val : 1 - 1

Formaziun La Val: 1. Sepl Kantioler, 2. Marco Sottara, 3. Werner Sottara (dal 88[^] Adrian Miribung) 4. Paolo Vallazza, 5. Marco Castlunger, 6. Max Nagler (dal 60[^] Christian Terza), 7. Alexander Miribung (dal 60[^] Michele Campeì), 8. Franz Tolpeit, 9. Samuel Winkler (dal 80[^] Felix Nagler), 10. Stefan Sottara - capitan, 11. Alex Elzenbaumer

Gol por La Val: Tolpeit Franz al 92[^]

Proscima partida: *La Val süga en sabeda ai 09 de setëmbber dales 16:00 a La Val cuntra le Reischach*

Atri resultac:

Altherren (La Val): Falzes – La Val 1-0

U-9 (La Val): La Val – Alta Badia/San Martin 5-1